



明職方主事馬維銘纂

構李後學沈自省校

魏

武帝曹操字孟德沛國譙人也桓帝時曹騰為中常侍大長秋封費亭侯養子嵩嗣官至太尉嵩本姓夏侯氏嵩生操操少機警有權數而任俠放蕩不治行業好飛鷹走狗其叔父數言之於嵩操患之操後逢叔父於路乃陽敗面喞口叔父謂是中惡風走告嵩

魏本

卷一

一

嵩驚呼操操口貌如故嵩曰汝叔言汝中惡風有差乎操曰初中風但失愛於叔耳自後叔有所告嵩終不信於時惟梁國喬玄南陽何顓知操玄謂操曰天下將亂非命世之才不能濟也能安之者其在君乎又曰君未有名可交許子將子將名劭與從兄靖俱好覈論鄉黨人物每月輒更其品題故汝南俗有月旦評操詣劭問曰我何如人劭曰子治世之能臣亂世之姦雄也操大喜而去靈帝崩太子即位太后臨朝大將軍何進與袁紹謀誅宦官太后不聽進乃



召董卓欲以脅太后操聞而笑曰鬪豎之官古今定有但世主不當假之權寵使至於此旣治其罪當誅元惡一獄吏足矣何必紛紛召外將乎欲盡誅之事必宜露吾見其敗也卓未至而進見殺卓到廢帝爲弘農王而立獻帝京都大亂操至陳留散家財合義兵將以誅卓始起兵於己吾是歲中平六年也初平元年正月冀州牧韓馥豫州刺史孔仙兖州刺史劉岱河內太守王匡渤海太守袁紹陳留太守張邈東郡太守橋瑁山陽太守袁術濟北相鮑信同時起兵

魏本

卷一

二

衆各數萬推紹爲盟主操行奮武將軍卓聞兵起乃徙天子都長安焚燒宮室是時卓兵疆紹等莫敢先進操言舉義兵以誅暴亂大衆已合諸君何疑向使董卓聞山東兵起倚王室之重據二周之險東向以臨天下雖以無道行之猶足以爲患今焚燒宮室劫遷天子海內震動不知所歸此天亡之時也一戰而天下定矣諸將不能用操兵少乃詣揚州募兵得四千餘人二年諸將議以幽州牧劉虞宗室賢儁欲共立爲主操曰吾等所以舉兵而遠近響應者以義故

也今幼主微弱制於奸臣非有昌邑亡國之釁而一旦改易天下其孰安之諸君北面我自西向是時袁紹代韓馥爲冀州牧鮑信謂操曰紹爲盟主因權專制將自生亂是復一卓也且可據大河之南以待其變操善之青州黃巾衆百萬入兖州乘銳轉入東平劉岱欲擊之鮑宣諫岱不聽遂與之戰果爲所殺信乃迎操領兖州牧而自擊黃巾於壽張東信力戰闔處僅而破之購求信喪不得衆乃刻木如信形祭而哭焉操追黃巾至濟北受降卒三十餘萬男女百餘

魏本

卷一

三

萬口收其精銳者號爲青州兵遂往征陶謙拔其五城初張邈少時好俠操與之善操之攻謙志在必處以父嵩見害於謙也勅其家曰我若不還往依孟卓孟卓邈字也後還見邈垂泣相對陳留高柔謂人曰曹將軍雖據兖州實有四方之圖未得安守而張府君恃陳留之資將乘間爲變矣鄉人皆以張曹相親不然其說已而張邈與陳宮果叛操以迎呂布賴荀彧保鄆城程昱說范東阿卒完三城以待操二年操襲定陶呂布夜走東奔劉備張邈請袁術請救爲其

其所殺交州平建安元年操軍臨武是時董卓已爲
王允誅滅允又爲卓將李傕郭汜所殺長安大亂車
駕復還洛陽矣操乃將兵詣洛見天子董昭等勸操
遷都許下操遂自稱大將軍迎天子都許昌時天下
亂離民棄農業諸軍並起率乏糧穀饑則寇略飽則
棄餘瓦解流離無敵自破者不可勝數袁紹在河南
軍人仰食桑椹袁術在江淮取給蒲羸民多相食州
里蕭條羽林監棗祗請建置屯田都尉乃以任峻爲
典農中郎將募民屯田許下歲得穀百萬斛於是州

魏本

卷一

四

郡例置田官所在積穀倉廩皆滿故操征伐四方無
運糧之勞遂能兼并羣雄軍國之饒起於祗而成於
峻也建安二年操討張綉三年東征呂布屠彭城布
將宋憲等執陳宮舉城降生擒布宮皆殺之四年袁
紹旣并公孫瓚兼四州之地衆十餘萬至是將進兵
攻許諸將皆恐操曰吾知紹之爲人矣志大而智小
色厲而膽薄忌刻而少威兵多而分畫不明將驕而
政令不一土地雖廣糧食雖豐祗足爲吾奉也五年
車騎將軍董承等稱受帝衣帶中密詔與劉備共誅

曹操謀泄操殺承等六年操將征劉備諸將皆曰與公爭天下者袁紹也今紹方來而棄之東紹乘公後若何操曰劉備人傑也今不擊必爲後患袁紹雖有大志而見事遲必不動也遂擊備破之備走奔紹獲其妻子備將關羽屯下邳復進攻之羽降操還官渡紹卒不出卒破紹斬其二將顏良文醜七年操軍譙使以太牢祀喬玄復進兵官渡紹自軍破嘔血歿少子尚代譚將軍軍黎陽九月操征之八年袁譚袁尚並遁操進軍鄴九年操攻鄴十年攻譚破之斬譚冀

魏本

卷一

五

州平袁熙與尚奔三郡烏桓操征烏桓十一年五月操至無終秋七月大水傷海道不通田疇請爲鄉道引軍出盧龍塞塞外道絕乃塹山堙谷五百餘里經白檀歷平剛涉鮮卑庭東指柳城尚熙與蹋頓將數萬騎逆軍操登白狼山張遼爲先鋒斬蹋頓及名王以下尚與熙奔遼初遼東太守公孫康恃遠不服及操破烏桓或說操遂征之操曰吾方使康斬送尚熙首來不煩兵矣九月操引兵自柳城還康卽斬尚熙及速僕丸等傳其首諸將問操操曰彼素畏尚等吾

意之則并力緩之則相圖其勢然也十二年至易水代郡烏桓及上郡烏桓行單于等將其名王來賀十三年南征劉表至赤壁與劉備等戰不利於是軍大疫多歿乃引還劉備遂有荊州江南諸郡十四年軍至譙作輕舟治水軍自渦入淮出淝水軍合肥十五年春下令曰孟公綽爲趙魏老則優不可以爲勝薛大夫若必廉士而後可用則齊桓其何以霸世今天下得無被褐懷王而釣渭濱者乎又得無盜嫂受金而遇魏無知者乎二三子其佐我揚明側陋唯才是

魏本

卷一

六

舉吾得而用之是冬作銅雀臺於鄴十六年張魯據漢中操遣鍾繇討之而使夏侯淵等出河東與繇會是時關東諸將疑繇欲見襲馬超韓遂等叛操於是遣曹仁討超超等屯潼關操敕仁等曰關西兵精唯堅壁勿與戰八月操親至潼關與超等夾關而軍操急持之而潛遣徐晃朱靈等夜渡蒲坂津據河西爲營操自潼關北渡臨濟河先渡兵獨與都尉許褚及虎士百餘人留南岸斷後超將步騎萬餘來奔操軍矢下如雨褚乃扶操上船賊戰急軍爭濟船重欲沒

楮斬攀船者左手舉馬鞍蔽操船工爲流矢所中成楮右手並泝船是日微楮幾危校尉丁裴因放牛馬餌賊賊取牛馬操乃得渡循河爲甬道而南賊退拒渭水操乃多設疑兵潛以舟載兵入渭爲浮橋夜分兵結營於渭南韓遂與操有舊請與操相見操欲離其黨於是交馬相語移時共道京都舊故拊手歡笑時秦胡觀者前後重沓操笑謂之曰爾欲觀曹公乎亦猶人也非有四目兩口但多智耳超果疑遂卒爲曹操所破及關中平諸將問操曰賊初守潼關渭北道缺不從河東擊馮翊而反守潼關引兵而後北渡何也操曰賊守潼關若吾入河東賊必引守諸津則西河未可渡也吾故盛兵向潼關賊悉衆南守西河之備虛故二將得擅取西河然後引兵北渡賊不能與吾爭西河者以有二將之軍也連車樹柵爲甬道而南旣爲不可勝且以示弱渡渭爲堅壘虜至不出所以驕之也故賊不爲營壘而求割地吾順言許之

所以從其意使自安而不爲備因蓄士卒之力一旦擊之所謂疾雷不及掩耳兵之變化固非一道也始

賊每一部到操輒喜賊破後或問操操答曰關中長遠若賊各依險守阻不一二年不可定也今皆來集其衆雖多莫相歸服軍無適主一舉可滅爲功差易吾是以喜十七年十月操征孫權十八年正月進兵濡湏口破權江西營獲其都督公孫陽乃還四月至鄴五月操自立爲魏公加九錫始建魏社稷宗廟安定太守母丘興將之官操戒之曰羗胡欲與中國通自當遣人來慎勿遣人往善人難得必將教羗胡妄有所請求因欲以自利不從便爲失異俗意從之則

魏本

卷一

八

無益於事興至官果遣校尉范凌往羗中凌果教羗使自請爲屬國都尉操曰吾預知當爾非聖也但更事多耳十九年立皇子熙等四人爲王時許靖在巴郡聞之笑曰將欲翕之必姑張之將欲奪之必姑與之其孟德之謂乎七月征孫權叅軍傅幹諫不聽操自合肥而還十一月操遣華歆勒兵入宮收伏皇后殺之伏完及宗族死者數百人十二月操至孟津天子命置旄頭宮殿設鍾虡乙未下令曰夫有行之士未必能進取進取之士未必能有行也陳平豈篤行

蘇秦豈守信邪而陳平定漢業蘇秦濟弱燕由此言之士有偏短庸可廢乎又曰刑百姓之命也今典獄者或非其人而任以三軍死生之事吾甚懼之其選明達法理者使持典刑於是以高柔爲理曹掾舊法軍征士亡考竟其妻子而亡者猶不息操欲更重其刑并及其父母兄弟柔啓曰士卒亡軍誠在可疾然竊聞其中時有悔者愚謂乃宜貸其妻子以誘其還心猥復重之柔恐自今軍士見一人逃亡誅將及已亦且相隨而走不可復殺也則重刑非所以止亡乃

魏本

卷一

九

所以益走耳操稱善久之二十年西征張魯魯降封魯及其五子皆爲列侯二十一年操進爵爲魏王十月治兵征孫權二十二年操軍居巢孫權在濡湏口築城拒守三月操引軍還二十三年金襴耿紀等欲挾天子以攻魏未成而敗操聞之怒召漢百官詣鄴盡殺救火居左者二十四年西曹掾魏諷謀襲鄴誅操不克歿之是年孫權將呂蒙襲斬關羽操表權爲驃騎將軍荊州牧上書稱臣於操操以權書示中外

曰是兒欲踞吾著爐火上耶侍中陳羣等陳說天命

操曰若天命在吾吾其爲周文王矣二十五年正月
操至洛陽薨年六十六操芟夷羣醜其行軍用師大
較依孫武子兵法而因事設奇譎敵制勝變化若神
自作兵書十餘萬言諸將征伐皆以新書從事與虜
對陣意思安閒如不欲戰然至決機而乘氣執盈溢
故每戰必克御軍三十餘年手不舍書漢世安平崔
瑗瑗子寔弘農張芝芝弟昶並善草書而操亞之桓
譚蔡邕善音樂馮翊山子道王九真郭覬等善圍棋
操皆與埒能又習啖野葛至一尺少多飲鵠酒獻穆

魏本

卷一

十

后諱節操之中女也建安十八年操進三女憲節華
爲夫人及伏后被弑節立爲皇后曹丕受禪遣人求
璽綬后怒不與如是數輩后乃呼入親數讓之以璽
抵軒下因涕泣詈曰天不祚爾漢獻貶帝爲公以后
爲山陽公夫人相傳至玄孫秋猶爲公行漢正朔用
天子禮樂

文帝

在位七年

黃初

壽四十四

文帝諱丕字子桓太祖長子八歲能屬文建安十六
年爲五官中郎將二十二年立爲魏太子太祖薨嗣

位爲丞相魏王稱受漢禪遂卽帝位都鄴徙洛陽首
立九品官人之法臨終以司馬懿受遺詔輔政丕同
母弟植好學多才見寵於武帝幾奪嫡而丁儀丁廙
楊脩等與植善又爲之羽翼故文帝立而怨之殺丁
儀丁廙及其男口植與諸兄弟並遣就國卞太后親
告丕曰女旣殺我任城不得復害東阿黃初二年監
國謁者灌均希指奏植醉酒悖慢劫脅使者丕以太
后故貶爵爲安鄉侯其年又改封鄆城侯其餘侯王
皆寄名空地而無其實不聽朝覲雖有侯號實同匹
夫法旣峻急伺察者益衆故諸侯王過惡日聞獨北
海王袞謹身好學未嘗有過監國防輔相與言曰受
詔察王有過當奏有善亦宜以聞遂共表陳之袞聞
大驚曰脩身自守常人之行耳而諸君乃以上聞是
適足以增其負累也曹公屠鄴丕卽入袁熙室奪其
妻使曹公有今年破賊爲阿奴之嫌卞太后徃問丕
疾見左右皆昔年侍者因問左右何時過對云正伏
魄時過太后遂不入而罵曰狗鼠不食女餘處固應
爾至山陵亦竟不臨初鄆后無子魏主丕使母養平

荀彧

荀彧字文若潁川潁陰人也祖父淑朗陵令當漢順桓之間知名當世有子八人號曰八龍彧父緄濟南相叔父爽司空彧年少時南陽何顒異之曰王佐才也中平六年舉彥廉再遷亢父令董卓之亂棄官歸謂父老曰潁川四戰之地也天下有變常爲兵衝宜亟去之無久留鄉人多懷土猶豫會冀州牧同郡韓馥遣騎迎之莫有隨者彧獨將宗族至冀州而袁紹

魏

卷一

一

已奪馥位待彧以上賓之禮彧度紹終不能成大事時曹操爲奮武將軍在東郡初平二年彧去紹從操操大悅曰吾之子房也以爲司馬時年二十九興平元年操征陶謙任彧留事會張邈陳宮以兖州反潛迎吕布布旣至邈乃使劉翊告彧曰呂將軍來助曹使君擊陶謙宜亟供其軍食衆疑彧彧知邈爲亂卽勒兵設備馳召東郡太守夏侯惇而兖州諸城皆應布矣時操悉軍攻謙留守兵少而督將大吏多與邈

宮同謀惇至夜誅謀叛者數十人衆乃定豫州刺史

郭貢帥衆數萬來至城下或言與呂布同謀衆甚懼
貢求見或或將往惇等曰君一州鎮也往必危不可
或曰貢與邈等分非素結今來速討必未定及其未
定說之縱不爲用可使中立若先疑之彼將怒而成
計貢見或無懼意謂鄆城未易攻遂引兵去又與程
昱計使說范東阿卒全三城以待操操自徐州還擊
布濮陽布東走二年夏操軍乘氏大饑人相食陶謙
友操欲遂取徐州還乃定布或勸操且勿擊布宜保
河濟建安元年操擊破黃巾獻帝自河東還洛陽操

魏

卷一

二

議奉迎都許或以山東未平韓暹楊奉新將天子到
洛陽北連張楊未可卒制或勸操迎帝操從之操雖
征伐在外軍國事皆與或籌焉三年操旣破張繡東
擒呂布定徐州遂與袁紹相拒五年與紹連戰操保
官渡紹圍之操軍糧方盡與或書欲還許以致紹或
報以軍食雖少而時不可失操從之紹病歿操渡河
擊紹子譚尚而高幹郭援侵略河東關右震動鍾繇
帥馬騰等擊破之八年操錄或前後功表封或爲萬
歲亭侯九年操拔鄴領冀州牧或說操宜復古置九

州則冀州所制者廣大天下服矣操將從之或言曰
若是則冀州當得河東馮翊扶風西河幽并之地所
奪者衆操遂寢時荀攸常爲謀主或兄行以監軍校
尉守鄴都督河北事封列侯操以女妻或長子惲後
稱安陽公主或及攸並貴重皆謙冲節儉祿賜散之
宗族知舊家無餘財十七年董昭等謂操宜進爵國
公九錫備物以彰殊勲密以諮或或以爲操本興義
兵以匡朝寧國秉忠貞之誠守退讓之實君子愛人
以德不冝如此操由是心不能平會征孫權表請或

魏

卷一

三

勞軍於醜因輒留或操軍至濡須或疾留壽春以憂
卒時年五十魏氏春秋曰操饋或食發之乃空噐也
於是飲藥而卒子惲嗣或從子攸字公達祖父曇廣
陵太守攸少孤及曇卒故吏張權求守曇墓攸年十
三疑之謂叔父衢曰此吏有非常之色殆將有姦衢
悟迺推問果殺人亡命由是異之何進秉政徵海內
名士拜黃門侍郎董卓之亂關東兵起卓徙都長安
攸與議郎鄭泰何顒侍中种輯越騎校尉伍瓊等謀

殺卓事垂就而覺收顒攸繫獄顒憂懼自殺攸言語

飲食自若會卓死得免棄官歸復辟公府舉高第遷
任城相不行攸以蜀漢險固人民殷盛乃求爲蜀郡
太守道絕不得至駐荊州操迎天子都許遺書徵攸
爲汝南太守入爲尚書操素聞攸名與語大悅以爲
軍師建安二年從征張繡攸言於操宜緩軍以待之
操不從與之戰果不利操謂攸曰不用君言至是乃
設奇兵復戰大破之後從救劉延於白馬攸畫策斬
顏良袁紹渡河追之卒與操遇諸將皆恐說操還保
營攸曰此所以禽敵柰何去之操目攸而笑遂以輜

魏

卷一

四

重餌賊賊競奔之陣亂乃縱步騎擊大破之斬騎將
文醜操遂與紹相拒於官渡軍食方盡攸言於操曰
紹運車旦暮至其將韓莫銳而輕敵擊可破也操曰
誰可使攸曰徐晃可乃遣晃及史渙邀擊破走之燒
其輜重會許攸來降言紹遣淳于瓊等將萬餘兵迎
運糧將驕卒惰可要擊也衆皆疑惟攸與賈詡勸操
操迺留攸及曹洪守操自將攻破之盡斬瓊等八年
操方征劉表譚尚爭冀州譚遣辛毘乞降請救操將
許之攸曰及其亂而取之天下定矣操曰善乃許譚

和親遂還擊破尚其後譚叛從斬譚於南皮冀州平
操表封攸陵樹亭侯攸與鍾繇善繇言我每有所行
反覆思惟自謂無以易以咨公達輒復過人意攸從
征孫權道卒操言則流涕長子緝有攸風早沒次子
適嗣無子絕

程昱

程昱字仲德東郡東阿人也長八尺三寸美鬚髯黃
巾起縣丞王度反應之燒倉庫縣令踰城走吏民負
老幼出奔昱爲之謀畫使吏民還求令共堅守城以

魏

卷一

五

擊破度初平中兖州刺史劉岱辟昱昱不應是時岱
與袁紹公孫瓚和親後紹與瓚有隙岱莫知所從議
不決別駕王彧薦昱於岱岱乃召見昱問計昱言瓚
非紹敵而瓚果爲紹所破岱表昱爲騎都尉昱辭及
岱爲黃巾所殺曹操臨兖州辟昱守壽張令操征徐
州使昱與荀彧留守鄆城張邈等叛逆迎呂布郡縣
響應惟鄆城范東阿不動布軍降者言陳宮欲自將
兵取東阿又令汎疑取范吏民皆恐彧謂昱可歸而
說之昱乃歸過范說其令斬爲又遣別騎絕倉亭津

陳宮至不得渡昱至東阿東阿令棗祗已率屬吏民拒城堅守又兗州從事薛悝與昱協謀卒完三城以待操乃表昱爲東平相屯范操與呂布戰於濮陽數不利蝗蟲起廼各引去於是袁紹使人說操連和欲使操遣家居鄴操新失兗州軍食盡將許之時昱使適還引見因言願將軍更慮之操廼止天子都許以昱爲尚書昭烈失徐州來歸操昱說殺之不聽袁紹在黎陽將南渡時昱有七百兵守郵城操聞之使人告昱欲益二千兵昱不肯紹聞昱兵少果不往昱收

魏

卷一

六

山澤亡命得精兵數千人廼引軍與操會黎陽討袁譚袁尚譚尚破走拜昱奮武將軍封安國亭侯操征荊州昭烈奔吳論者以爲孫權必殺昭烈昱料之曰權必資之以禦我又不可得而殺也權果多與昭烈兵以禦操是後中夏漸平操拊昱背曰兗州之敗不用君言吾何以至此宗人奉牛酒大會昱曰知足不辱吾可以退矣廼自表歸兵魏國旣建爲衛尉與中尉邢貞爭威儀免曹丕篡位復爲衛尉分封少子延及孫曉列侯卒子武嗣武卒子克嗣

郭嘉字奉孝潁川陽翟人也初北見袁紹謂紹謀臣辛評郭圖曰夫智者審於量主遂去之先是潁川戲志才籌畫士也操甚器之早卒操與荀彧書曰自志才亡後莫可與計事者汝潁固多奇士誰可以繼之彧薦嘉召見論天下事操曰使孤成大業者必此人也表爲司空軍祭酒征呂布三戰破之孫策盡有江東聞操與袁紹相持於官渡將渡江北襲許衆聞皆懼嘉料策輕而無備必夾於刺客之手策臨江未濟

魏

卷一

七

果爲許貢客所殺從破袁紹紹歿又從討譚尚於黎陽冀州平封嘉洧陽亭侯嘉深通有筭畧達於事情操曰唯奉孝爲能知孤意年三十八自柳城還疾篤卒子奕嗣後操征荊州還於巴丘遇疾疫燒船嘆曰郭奉孝在不使孤至此初陳羣非嘉不治行檢數廷訴嘉嘉意自若操益重之然以群能持正亦悅焉奕爲太子文學早薨子深嗣深薨子獵嗣

賈詡

賈詡字文和武威姑臧人也少時人莫知惟漢陽閻

忠異之謂詡有良平之奇察孝廉爲郎病去官西還至汧道遇叛氐同行數十人皆爲所執詡曰我段公外孫也汝別埋我我家必厚贖之時太尉段熲昔久爲邊將威震西土故詡假以懼氐氐果不敢害與盟而送之董卓入洛陽以詡爲太尉掾爲平津都尉卓婿中郎將牛輔屯陝詡在輔軍卓敗輔死衆恐懼校尉李傕郭汜張濟等欲解散間行歸鄉里詡勸使收兵以攻長安爲卓報讎傕等從之乃西攻長安欲以功侯詡詡固辭不受乃更拜詡尚書典選舉多所匡

魏

卷一

八

濟傕等親而憚之是時將軍段熲屯華陰與詡同郡遂去傕託熲詡素知名熲內恐其見奪而外奉詡禮甚備詡愈不自安張繡在南陽詡陰結繡繡遣人迎詡詡說繡與劉表連和操攻之一朝引軍退繡追之詡謂繡曰不可追也追必敗繡不從進兵交戰大敗而還詡謂繡曰促更追之更戰必勝繡信之遂收散卒赴追大戰果以勝還問詡詡曰此易知耳將軍雖善用兵非曹操敵也軍雖新退曹操必自斷後追兵雖精將旣不敵彼士亦銳故知必敗曹操攻將軍無

力未盡而退必國內有故已破將軍必輕軍速
進縱留諸將斷後諸將雖勇亦非將軍敵故雖用敗
兵而戰必勝也是後操拒袁紹於官渡紹遣人招繡
弁與詡書結援繡欲許之詡顯於繡坐上謂紹使曰
歸謝袁本初兄弟不能相容而能容天下國士乎繡
驚懼曰何至於此竊謂詡曰若此當何歸詡曰不如
從曹操繡曰袁疆曹弱又與曹爲讎從之如何詡曰
此乃所以宜從也夫曹操奉天子以令天下其宜從
一也紹疆盛我以少衆從之必不以我爲重曹操衆

魏

卷一

九

弱其得我必喜其宜從二也夫有霸王之志者固將
釋怨以明德於四海其宜從三也繡從之率衆歸操
操喜執詡手曰使我信重於天下者子也表詡爲執
金吾封都亭侯袁紹圍操於官渡操糧方盡問計焉
出詡曰公明勝紹勇勝紹用人勝紹決機勝紹有此
四勝而半年不定者但顧萬全故也必決其機須臾
可定也操曰善乃弁兵出圍擊紹破之紹軍大潰操
後與韓遂馬超戰於渭南超等索割地以和弁求任
子詡以爲可僞許之操又問計詡曰離之而已操用

有黨與有奪宗之議操又嘗屏除左右問詡詡嘿然
不對操曰與卿言而不答何也詡曰屬適有所思操
曰何思詡曰思袁本初劉景升父子也操大笑於是
太子遂定詡自以非操舊臣而策謀深長懼見猜嫌
闔門自守退無私交男女嫁娶不結高門天下之論
智計者歸之不篡位以詡爲太尉詡年七十七卒子
穆嗣穆卒子模嗣

夏侯惇

魏

卷一

十

夏侯惇字元讓沛國譙人夏侯嬰之後也年十四就
師學人有辱其師者惇殺之由是以烈氣聞操初起
惇常爲裨將從征伐領東郡太守操征陶謙留惇守
濮陽張邈叛迎吕布操家在鄆城惇輕車往赴適與
布會交戰布退遂入濮陽襲得惇軍輜重遣將僞降
共執惇爲質責以寶貨軍中震恐惇將韓浩乃勒兵
屯營門遂詣惇所叱持質者皆斬之操自徐州還惇
從征吕布流矢中傷左目復領陳留濟陰太守封高

安鄉侯二十一年從征孫權二十四年操破吕布軍

摩陂召惇常與同載特見親重文帝卽位拜大將軍數月薨子克嗣帝追思惇功欲使子孫畢侯分惇邑千戶賜惇七子二孫爵皆關內侯惇族弟淵字妙才操居家曾有縣官事淵代引重罪操救之得免操起兵以別部司馬騎都尉從破袁紹累功封博昌亭侯初抱罕宋建因涼州亂自號河首平漢王操使淵帥諸將討建淵至圍抱罕日餘拔之斬建及所置丞相已下淵別遣張郃等平河關渡河入小湟中河西諸羌盡降隴右平操西征張魯淵等將涼州諸將侯王已下與操會休亭魯降漢中平操還鄴留守漢中建安二十四年正月先主夜燒圍鹿角淵使張郃護東圍自將輕兵護南圍先主挑郃戰郃軍不利淵分所將兵半助郃爲先主所襲淵遂戰歿子衡尚操弟海陽哀侯女恩寵特隆襲爵黃初中賜中子霸太和

中賜霸四弟爵皆關內侯霸素爲曹爽所厚聞司馬氏誅爽自疑亡入蜀以淵舊勲赦霸子徙樂浪郡

曹仁

曹仁字子孝操從弟也好弓馬弋獵漢末豪傑並起

從操破袁術多所斬獲從征徐州常督騎爲軍前鋒
別攻陶謙將呂由破之還與大軍會彭城大破謙軍
操征呂布仁別攻拔勾陽生獲布將劉何操平黃巾
迎天子都許仁數有功拜廣陽太守從平荊州以仁
行征南將軍留屯江陵拒吳將周瑜將數萬衆來
攻前鋒數千人始至仁登城望之乃募得三百人遣
部將牛金逆戰兵少被圍城上望金等垂沒左右皆
失色仁奮怒被甲上馬將數十騎出城去賊百餘步

魏

卷一

十一

追溝徑渡直前衝入賊圍金等得解操討馬超行安
西將軍拒潼關破超渭南拜征南將軍關羽攻樊時
漢水暴溢于禁等七軍皆没于禁降羽仁人馬數千
守城城不沒者數板羽乘船臨城圍數重外內斷絕
糧食欲盡救兵不至仁激厲將士示以必死將士感
激皆無二志徐晃救至水亦稍減晃從外擊羽仁得
潰圍出羽退走仁少不脩行檢及長爲將嚴整奉法
令丕卽位拜車騎將軍進封陳侯孫權遣將陳邵據

襄陽詔仁討之仁與徐晃攻破邵遂入襄陽

軍據烏江還屯合肥黃初四年薨子泰嗣官至鎮東將軍泰薨子初嗣又分封泰弟楷範皆爲列侯而牛金官至後將軍弟純初以議郎參司空軍事督虎豹騎從圍袁譚封高陵亭侯從征荊州追先主於長坂獲其二女輜重收其散卒進降江陵從還譙建安十五年薨丕立追謚曰威侯子演嗣

曹彰

曹彰字子文操次子也少善射御齊刀過人手格猛獸數從征伐志意慷慨操常抑之曰汝不念讀書慕

魏

卷一

十三

聖道好乘馬擊刼此一夫之用何足貴也課令誦讀彰謂何能作博士邪操常問諸子所好使各言其志彰曰好爲將建安二十一年封鄴陵侯二十三年代郡烏丸反以爲北中郎將行驍騎將軍北征入涿郡界叛胡數千騎卒至時兵馬未集唯有步卒千人騎數百匹用田豫計固守要隙虜乃散退彰追之身自搏戰射胡騎應弦而倒者前後相屬戰過半日彰鎧中數箭意氣益厲乘勝逐北至於桑乾去代二百餘里長史諸將皆以士馬涉遠疲頓又受節度不得過

代不可深進彰曰胡走未遠追之必破遂上馬令軍中後出者斬一日一夜與虜相及大破之時鮮卑大人軻比能將數萬騎觀望疆弱彰力戰所向皆破乃請服北方悉平操喜持其鬚曰黃鬚兒竟大奇也操東還以彰行越騎將軍留長安操至洛陽得疾驛召之未至操崩丕立彰以諸侯就國黃初二年進爵爲公三年立爲任城王四年朝京都疾薨於邸子楷嗣

張遼

張遼字文遠鴈門馬邑人也本聶壹之後以避怨變

魏

卷一

十四

姓少爲郡吏漢末并州刺史丁原以其武力過人召爲從事使將兵詣京都何進遣詣河北募兵得千餘人還進敗以兵屬董卓卓敗以兵屬呂布遷騎都尉布爲李傕所敗從布東奔徐州領魯相時年二十八操破呂布於下邳遼將其衆降拜中郎將賜爵關內侯數有戰功遷裨將軍袁紹破別遣定魯國諸縣與夏侯淵圍昌豨於東海數月糧盡議引軍還遼謂淵曰數日已來每行諸圍豨輒屬目視遼又其射矢更稀必此豨計猶豫故不力戰遼欲挑與語儻可誘也

乃使謂豨曰公有命使遼傳之豨果下與遼語遼謂操神武豨乃許降遼遂單身上三公山入豨家拜妻
子豨大喜遂詣操從討袁譚袁尚黎陽有功操旣征
孫權還使遼與樂進李典等將七千餘人屯合肥操
征張魯敎與護軍薛悌署函邊曰賊至乃發俄而權
率十萬衆圍合肥廼發敎曰若孫權至者張李將
軍出戰樂將軍守護諸將皆疑遼曰公遠征在外比
救至彼破我必矣是以敎指及其未合逆擊之折其
盛勢以安衆心然後可守也李典亦與遼同於是夜

魏

卷一

十五

募敢從之士得八百人椎牛饗將士明日大戰平旦
遼被甲持戟先登陷陣殺數十人斬二將大呼自名
衝壘入至權麾下權大驚衆不知所爲走登高冢以
長戟自守遼叱權下戟權不敢動望見遼所將卒少
乃聚圍之數重遼左右麾圍直前急擊圍開將麾下
數十人得出餘衆號呼曰將軍棄我乎乃復還突圍
捉出餘衆權人馬皆披靡無敢當者關羽圍曹仁於
樊會權稱藩召遼及諸軍悉還救仁遼未至徐晃已
破關羽仁圍解遼與操會還屯陳郡丕卽位孫權復

遣遼還屯合肥進爵都鄉侯丕踐阼封晉陽侯孫
權復稱藩遼還雍得疾疾小差還屯孫權復叛丕遣
遼乘舟與曹休至海陵臨江權甚憚焉是歲與諸將
破權將呂範遼病遂篤薨於江都丕爲流涕子虎嗣
虎爲偏將軍薨子統嗣

樂進

樂進字文謙陽平衛國人也容貌短小以膽烈從操
爲帳下吏從擊呂布於濮陽又從征張超橋蕤皆先
登以功封廣昌亭侯從征張繡於安衆圍呂布於下

魏

卷一

十六

邳破別將攻昭烈於沛皆破之拜討寇校尉從擊袁
紹於官渡從擊譚尚於黎陽從平荊州留屯襄陽擊
關羽後從征孫權假節操還留與張遼李典屯合肥
進遷右將軍建安二十三年薨子綝嗣綝果毅有父
風官至揚州刺史諸葛誕反掩襲殺綝詔悼惜之子
肇嗣

張郃

張郃字雋又河間鄆人也漢末應募討黃巾爲軍司
馬屬韓馥馥敗以兵歸袁紹爲校尉使拒公孫瓚瓚

破功多遷寧國中郎將操與袁紹相拒於官渡紹遣
將淳于瓊等督軍屯烏巢操自將悉擊之郃說紹曰
曹公兵精往必破瓊等破則將軍事去矣宜急
引兵救之郭圖曰非也不如攻其本營勢必還此爲
不救而自解也郃曰曹公營固攻之必不拔若瓊等
見禽吾屬盡爲虜矣紹但遣輕騎救瓊而以重兵攻
操營不能下操果破瓊等紹軍潰圖慙又更譖郃曰
郃收敗軍出言不遜郃懼廼歸操操得之甚喜拜偏
將軍封都亭侯從攻鄴拔之從擊袁譚於渤海別將

魏

卷一

十七

軍圍雍奴大破之操征張魯先遣郃督軍討興和氏
王竇茂魯降操還留郃與夏侯淵等守漢中拒昭烈
操旣而自至漢中昭烈保高山不敢戰操乃引出漢
中諸軍郃還屯陳倉丕卽王位進爵都鄉侯及踐阼
進封鄭侯諸葛亮攻祁山加郃位特進遣督諸軍拒
亮將馬謖於街亭絕謖汲道大破之司馬懿治水軍
於荊州欲順沔入江伐吳詔郃督關中諸軍往受節
度至荊州會冬水淺大舩不得行廼還屯方城諸葛
亮出攻陳倉驛馬召郃到京都丕自幸河南城置酒

因問曰將軍到亮得無已得陳倉乎郤知亮懸
軍無穀不能久攻對曰比臣未到亮已走矣屈指計
亮糧不至十日晨夜進至南鄭亮退詔還京都拜征
西車騎將軍諸葛亮復出祈山詔郤督諸將西至略
陽亮還保祈山郤追至木門與亮軍交戰飛矢中郤
右膝薨子雄嗣

徐晃

徐晃字公明河東陽人也爲郡吏從車騎將軍楊奉
討賊有功拜騎都尉李傕郭汜之亂長安也說奉令

魏

卷一

十八

與天子還洛陽奉從其計天子渡河至安邑封晃都
亭侯及到洛陽韓暹董承日爭鬪又說奉令歸操奉
從之後悔操討奉於梁晃遂歸操操授兵使擊卷原
武賊破之拜裨將軍從征吕布又與史渙擊袁紹運
車於故市功最多封都亭侯從征張魯又別討犢仇
夷諸山氏皆降之遷平寇將軍操還鄴留與夏侯淵
拒蜀於陽平丕立與夏侯當攻昭烈於上庸破之使
鎮陽平徙封陽平侯太和元年薨子蓋嗣蓋薨子霸

李典字曼成山陽鉅野人也典從父乾有雄氣合賓客數千家在乘氏初平中以衆隨操破黃巾於壽張又從擊袁術征徐州呂布之亂操遣乾還乘氏慰勞諸縣布別駕薛蘭治中李封招乾欲俱叛乾不聽遂殺乾操使乾子整將乾兵與諸將擊蘭封蘭封破從平兖州諸縣有功稍遷青州刺史整卒典徙潁陰令爲中郎將將整軍遷離狐太守時操與袁紹相拒官渡典率宗族及部曲輸穀帛供軍紹破以爲裨將軍

魏

卷一

十九

屯安民操擊譚尚於黎陽使與程昱等以船運軍糧會尚遣魏郡太守高蕃將兵屯河上絕水道操勅典是若船不得過下從陸道典與諸將議宜惡擊之遂北渡河攻蕃破之劉表使昭烈北侵至葉操遣典從夏侯惇拒之封都亭侯遷破虜將軍與張遼樂進屯合肥孫權率衆圍之遼欲奉教出戰而與進典素不驩恐其不從典慨然曰可以私憾忘公義乎乃率衆與遼破走權年三十六薨子禎嗣

許褚字仲康諱國譙人長八尺餘腰大十圍漢末聚少年及宗族數千家共堅壁以禦寇時汝南葛陂賊萬餘人攻褚壁褚衆少力戰疲極兵矢盡乃令壁中男女聚治石如杵斗者置四隅褚飛石擲之糧乏僞與賊和以牛與賊易食賊來取牛牛輒奔還褚廼出陳前一手曳牛尾逆行百餘步賊衆驚操狗淮汝褚以衆歸卽日拜都尉從征張繡遷校尉從討袁紹於官渡時常從士徐他等謀爲逆褚覺之卽擊殺他等從圍鄴力戰有功賜爵關內侯從討韓遂馬超於潼關操將北渡臨濟河先渡兵獨與褚及虎士百餘人留南岸斷後超將步騎萬餘人來奔操軍矢下如雨褚扶操上船賊戰慄軍爭濟船重欲沒褚斬攀船者左手舉馬鞍蔽操船工爲流矢所中歿褚右手並泝艇僅廼得渡超負其力陰欲前突操素聞褚勇廼聞操公有虎侯者安在操指褚超不敢動遷武衛中郎將武衛之號自此始軍中以褚力如虎而寢號曰虎寢丕立進封萬歲亭侯子儀嗣褚兄定亦以軍功封

